

## UEFA pokrenula istragu protiv PSG-a

Krovna kuća evropskog nogometa (UEFA) pokrenula je istragu protiv PSG-a zbog nedavnih transfera i sumnji da je prekršen finansijski fair-play.

Istražna komisija finansijskog kontrolnog tijela redovno će se sastajati u narednim mjesecima i istražiti sva dokumenta u vezi sa tim slučajem, navodi se u UEFA-inom saopštenju.

Navedeno je da će se istraga fokusirati na to da li je PSG balansirao prihode i rashode u dozvoljenoj granici.

Podsjetimo, PSG je ovog ljeta oborio rekord u visini transfera nakon što je kupio Neymara za 222 miliona eura, a potom i Kyliana Mbappea za 180 miliona.

UEFA je navela da neće komentarisati slučaj dok se istraga ne završi, a u slučaju da se dokaže kršenje finansijskog fair-playa, PSG-u može biti zabranjeno takmičenje u Ligi prvaka. (Klix)

Date: 02-09-2017